

lanceolatis, mediis $2\frac{1}{2}$ -pedalibus, pollicem circiter latis, attenuato-acuminatis, omnibus indivisis, crassiuscule chartaceis, lucidulis, subtus pallidioribus, praeter costam subtus convexam supra acute prominentem plurinerviis, in costâ utrinque (passim in nervis lateralibus etiam) squamulis fuscis membranaceis oblongatis erosulis longitrorse adnatis sparsis instructis, iisque caducis cicatrisatis; flores.... fructus.... — Pinangae purpureae nomine in *Hort. Bog.* introducta. — *A. calappariae* (*Ptychospermae*) affinis videtur. — *Bangka*, prope *Djebus* (T.).

(1202). ***Ptychosperma polystachya***. Caudex elatior; frondes brevi-petiolatae breviusculae, segmentis 8—6 circiter utrinque, lineari-lanceolatis attenuato-acuminatis, terminalibus ambobus vel altero reliquis latiore; spadix brevi-pedunculatus ramosus, ramis primariis subumbellato-confertis, in ramulos filiformes complures unilateraliter resolutis, ramulis basi (fere e primario ramo) florem femineum caeterum serialiter flores masculos numerosos proferentibus; spatha lanceolata naviculari-carinata, pede longior. — *Bangka*, prope *Djebus* (T.).

(1203). *Ptychosperma noxa* MIQ. *l. c.*? vel certe species affinis, sed spadix saltem semimaturus suppetit. — *Sumatra occid.* prope *Lubu-alang* (T.).

(1204). *Ptychosperma disticha* MIQ. *l. c.* Caudex circiter 6-pedalis, crassitie digiti. Frondes vix ad $\frac{1}{2}$ bilobae. — *Sumatra occid.* prope *Lubu-alang* (T.).

(1205). ***Ptychosperma simplicifrons***. Caudex gracilis aliquot pedum altitudinis, pennae olorinae crassitie, inferne radicans; frondes paucae, vaginis petiolis laminâque subtus praesertim fusco-squamelloso-punctatis, laminâ petiolo longiore e basi acutâ lanceato-obverso-oblongâ versus apicem brevi-acuto-bilobum serratâ; spadices versus caudicis inferiora vaginas frondium emortuarum perforantes brevissimi reflexi oligocarpi; spatha lanceolata oblonga coriacea; drupae elongato-conico-cylindricae curvulae. — Prope Pt. disticham inserenda. — *Sumatra orient.* in prov. *Palembang*, prope *Muara-enim* (T.).